


From
Synod Literature & Publication Board
Synod Office
Aizawl – 796 001
Mizoram



Vol. XXXIX No. 12 A man ₹1/- NEWSLETTER DECEMBER 2024

LÂWRKHAWM

SYNOD INKHAWMPUI

Synod Inkhawmpui wawi 101-na chu December ni 4–8, 2024 khân Mission Vêngthlang Kohhran Biak Inah nghah a ni a. Puipate chu hêng mite hi an ni:

- Moderator : Rev. R.C. Lalngâkliana
- Secretary (Sr) : Rev. P.B. Mankima
- Secretary (Jr) : Upa Vânlalsâwma Siakêng
- Fin. Officers : Rev. V.L. Luaia Hranleh
Rev. P.C. Pachhûnga
- Statistician : Rev. H. Laltlanthanga
- Sr Exe. Secy : Rev. C. Zoramawia
- Exe. Secy : Rev. Dr K. Lallâwmzuala

CCM HAWN A NI TA

Mizorama kohhran hrang hrang inpumkhatna tûra pâwl din 'Council of Churches in Mizoram' (CCM) chu ni 27.10.2024 chawhma dâr 10:30 khân Rev. R. Vânlalngâka, Chairman, Joint Committee-in Mission Vêng Presbyterian Kohhran Biak Inah a hawng.

LITERATURE CAMPAIGN

SL&PB Office aţangin Literature Campaign-in hetiang hian an kal: Ni 27.10.2024 khân **Kângmun Kohhranah** Rev. Lalbiaknia, Pu Zohmangaiha, Pi Rinsailovi leh Pi Rállianthangi. November chhûngin ni 10-ah **Thuampui Vênglai Kohhranah** Rev. Lalbiaknia leh Pi Rinsailovi. Ni 17-ah **Bethlehem Kohhranah** Rev. Lalbiaknia, Pu Zohmingiana Colney, Pu Zohmangaiha leh Pu Eric Lalnunmawia; leh **Zotlâng Kohhranah** Rev. V.L. Luaia Hranleh. Ni 17 zânah **Tuikual South Kohhranah** Pu Zohmingiana Colney. Ni 23&24-ah **Ngopa Vênglai Kohhranah** Pu Zohmingiana Colney, Pu Zohmangaiha leh Pu Lalremmawia. Ni 24-ah **Aibâwk Kohhranah** Rev. Lalbiaknia.

KRISTIAN HLA BU APP TLANGZARH A NI

Ni 6.11.2024 chawhnu dâr 2 khân Worship Committee, Mizoram Synod hma lâknain Kristian Hla Bu App chu Rev. R. Vânlalngâka, Synod Moderator-in aţangtaia hlânin a tlangzarh a. Rev. Dr K. Lallâwmzuala, Executive Secretary i/c Worship-in inkhawm hi a kaihrui a ni.

Kristian Hla Bu App hi Lailên Consulting Pvt. Ltd siam a ni a. Kum 2021 Synod Inkhawmpui rêl anga siam a ni. Kristian Hla Bu App-ah hian Kristian Hla Bua hla zawng zawng (600) dah a ni a, instrument hrang hrang ri thlan theih a ni a, part hrang hrang (Soprano, Alto, Tenor, Bass)-in a rîktîr theih a, part mal chauh emaw, part thlan bîk ri emawa tih rîk theih a ni baw. Hêng bâkah hian a tempo (Hla vuak ran zâwng), a transpose (Key tihsân leh tihhniam) te a tih theih baw.

Kristian Hla Bu Mobile App hi Android leh iOS Phone-a hman theih

tûra duan a ni a. App hi <https://kristianhlabu.com> emaw, Google Playstore-ah leh Apple App Store aţang emawa download theih a ni.

App hi phone aţanga install hian hman hmasak berah hla hi a in-download a, a hnu lamah chuan internet tel lo pawhin a hman theih dâwn a ni. App hi tihchangtlun zêl tûr a ni a. App siamtu Lailên te hian research ti paha siam an ni a. He Software/App hian hla hi staff notation aţangin tonic solfa-ah a let a. Hetiang ti thei hmasa ber hi an ni.

PRAISE ON 2024 MAL ZAI INTIHSIAK ZAWH A NI TA

Ni 5.9.2024-a ţan, Synfo leh Central KṚP buatsaih 'Praise On 2024 Mal Zai Intihsiak' chu ni 22.11.2024 zân khân Dâwрпи Kohhran Hall-ah result puangin zawh fel a ni ta a; Lalthlanawma, KṚP, Ramhlun Branch chu pakhatna a ni a, lâwmmannah pawisafai ₹1,20,000 a dawng. He intihsiakah hian KṚP Branch hrang hrang aţangin mi 314 an tel a ni.

J. Lalruatsângi, Sihphîr Branch chu 2-na a ni a, ₹70,000/- a dawng a; Samuel Lalmuanchhana, Armed Vêng Branch chu 3-na a ni a, ₹50,000/- a dawng. Top 5-a tling mi dang – P. Vânlalhriatpuia, Châltlâng South Branch leh Maria Lalmuanpuui, Chhiahtlâng Bazar Vêng Branch-ten ₹15,000/- ve ve an dawng a; Top 10-a lang mi dangten ₹10,000/- theuh an dawng baw.

Praise On 2024 Mal Zai Intihsiak hi Champhai Vênglai, New Sêrchhîp, Kolasib Hmâr Vêng, Lunglei Bazar

Vêng leh Tuikual Kohhranahte audition neih a nih hnuah Saron Vêng Kohhranah 1st Round & 2nd Round leh, Dâwрпи Kohhranah Top 10 leh Top 5 intihsiak chhunzawm a ni.



Lalthlanawma

He intihsiak endiktute chu – Upa F. Lalthanmawia, Bûngkâwn; Ni. R. Lalrinmawii, Leitan leh Pu Michael Lalneihluanga, Mission Vêngte an ni.

SYNOD Newsletter

EDITORIAL STAFF

Rev. Lalbiaknia
(9862362913)

Rev. V.L. Luaia Hranleh

Upa K. Lalnghinglova
Zohmingliana Colney
(9615231750)

SYNOD CHHAWMDAWLNA

Tùn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Khua	Pêk chhan	Chhôngkaw zât	Pêk zât	Khua	Pêk chhan	Chhôngkaw zât	Pêk zât
Sihthiang	Lei min tuar	4	34,000	Pâmchung	Damlo	1	10,000
Hlimen Dâm Vêng	Damlo	2	20,000	Chhiahtlâng Vênglun	Damlo	3	30,000
Vațhuampui	Râltlân	28	1,40,000	Zêmabâwk North	Damlo	2	20,000
Rângvamual	Lei min tuar	1	20,000	Zêmabâwk East	Damlo	1	10,000
West Sêrzâwl	Damlo	1	10,000	Zêmabâwk South	Damlo	1	10,000
Zohmun	Damlo	1	10,000	N. Lunglêng	Accident	1	10,000
Chawngtlai	Damlo	1	10,000	Hualngohmun	Damlo	1	10,000
Lily Vêng (Aizâwl)	Damlo	1	10,000	Lawipu	Damlo	1	10,000
Thiak	Damlo	1	10,000	Hualtu	Damlo	1	10,000
Tuirial	Damlo	1	10,000	Champhai			
Lallen	Damlo	1	10,000	Electric Vêng	In kâng	1	20,000
Ramthar Tlâng Vêng	Damlo	2	20,000	Tlângnuam South	Damlo	2	20,000
Mualkhang	Damlo	1	10,000	Sailâm	Damlo	2	20,000
Khawzâwl Dinthar	Khawsak harsa	1	10,000	Khawlian	Khawsak harsa	1	10,000
Lungsum	Damlo	1	10,000	Daïdo	Damlo	1	10,000
Chanmari Vêngthar,				Phaikhuo	Damlo	1	10,000
Sêrchhîp	Damlo	1	10,000	Belh khâwm			5,54,000

Editorial.....

TIH LUIH TUR DIK

Mihring nunah hian thil kan tih luih avânga tuarna leh chhiatna thleng hi a tam hle âwm e. Thil țha lo, khawtlâng tân te, mahni chhôngkaw tân leh mahni tân ngei pawha țha lo ti lui tlattu chuan natna emaw, harsatna emaw, chhiatna emaw a thlen țhîn. Zu in a țha lo tih hre reng chung a zu in lui tlatt chuan ama tân chhiatna a thlen țhîn a. Thil dangah pawh thil țha lo ti lui tlattu chuan chhiatna a tâwk nge nge țhîn.

Kawng lehlamah erawh chuan, thil țha tih luih tlatt avânga lâwmna leh malsâwmna thleng a awm țeuh thung. Kan țhatna tura thil tih luih atâna țhate chu – Bible chhiar leh țawngțai te, Pathian biak inkhâwma inkhâwm tlatt te, lehkhabu țha chhiar luih tlatt te, nuïh leh hlim hmêl lantîr tlatt te, țanpui ngai țanpui tura inpêk luih tlatt te hi. Tih luih tûr dik ti lui tlattu chu malsâwmna thlentu a ni țhîn.

Krïsmas hun lâwmawm kan hman lai te hian tih luih tûr dik kan hriatte chu ti lui ngar ngar ila, keïmahni leh mi dang tân malsâwmna thlentu kan ni ngei ang.

PYF Youth Camp-ah kal: November ni 1–3, 2024 khân Umswai Model Presbyterian Church, Karbi Anglong-ah PYF Youth Camp 2024 hmangin Central KTP Committee Member, Synod Choir leh Bial aiawh, an zavaiin mi 130 an kal.

Ramthar Campaign: Ni 23&24.11.2024 khân Chalrângah Ramthar Campaign hmanpuiin Rev. R. Lalhmingsânga, Synod Mission Board Secretary a kal.

Video tawi insiamsiak result puang: Synod Social Front chuan ni 24.10.2024 zân dâr 7 khân Pi Zaii Hall, Synod Conference Centre-ah ramngaw, nungcha leh tuihna humhalh kawnga mipuite rilru tițhangharh thei tûr video clip tawi insiamsiak a buatsaih result puan leh lâwmman semna hun a hmang.

Lâwmman dawngtute chu:

1-na : Aizawl Branch KTP (Certificate, memento leh ₹30,000/-)

2-na : Lalchungnunga, Champhai Zotlâng Kohhran (Certificate, memento leh ₹20,000/-)

3-na : Central Jail Vêng Kohhran (Certificate, memento leh ₹10,000/-)

Consolation prize dawng mi 10 hnênah certificate leh ₹3,000/- țeuh hlan a ni bawk.

Finance Committee: November ni 19–21, 2024 chhông khân J.M. Lloyd Hall, Synod Office-ah Synod Finance Committee vawi 151-na a țhu.

PPPF Intawh Khâwm: Ni 15.11.2024 khân Tuikhuahtlâng Kohhran Hall-ah Presbyterian Pastor Pension Fellowship (PPPF) Intawh Khâwm țum 55-na hman a ni a, 'Tawn Hriat Bu 2-na' tlângzarh a ni bawk.

SHSS-in lawmpui: Synod Higher Secondary School chuan ni 23.10.2024 khân School Multipurpose Hall-ah an lecturer Joseph Vânlalhruaia Sailovin National Teachers' Award 2024 a dawn lawmna hun an hmang.

Campaign-in chhuak: Ni 27.10.2024 khân Synod Social Front ațangin Awareness Campaign hmanpuiin hetiang hian campaigner-te an chhuak:

Model Vêng Kohhran

Thupui : Corruption do
Rev. Lalrinmawia a kal.

Chawnpui Vêngthlang Kohhran

Thupui : Corruption do
Rev. Dr Lâwmsânga a kal.

Kanan Kohhran

Thupui : Ramngaw, nungcha leh tuihna humhalh
Upa C. Lalduhawma a kal.

Râl Vêngtu

Kohhran Hmeichhe hruaitu sâwm rual zet hi Râl Vêngtu hnênah titi khawchâng sawipui tûrin an lêng a, heti hian an zâwt a: "Râl Vêngtu, hei Krismas a hnai ta a, Krismas lawm dân tûrah eng emaw thurâwn min hrilh tûr te i nei lo maw?" an ti a.

Râl Vêngtu chuan, "In lawm ber kha ngai pawimawh ula, a tâwk mai," a ti a. Nuho chuan, "Min zilh hrep kan lo ring a; mahse, i thu min hrilh chu a tawi hle mai," an ti a.

Râl Vêngtu chuan, "A tawi in ti êm mai, ka'n hrilh fiah law law ang che u. Vawi khat chu nupa khawsa thei deuh hian an fa hmasa ber birthday wavi khatna an lâwm dân a, an thiante an sâwm khâwm a, an phûr hle a. A birthday chu a lo thleng a, nautê chu a muthil avângin khumah an mut a. An thiante chuan present tha tak tak an rawn keng a. Naute mutna khumah chuan an thil rawn kente chu an dah khâwm zêl a, an ri luai luai a, nautê chu an hre chang tawh lo. Tichuan, sitting room lamah hla an play a, an lâm a, nuam an tiin, ei leh in tûr pawh an chhawp nasa hle a. An lawm bera chu a awm lo tih an hre hauh lo nia!"

"An thian thenkhat chu an haw ta a. Nakinah chuan naute tap thâwm an hre ta a! An han zawng a, khumah chuan an present pêk chuan an lo vûr hlum lo chauh hi a lo ni a!" a ti a.

Nuho chuan, "Râl Vêngtu, Krismas hunah Lal thar lo piang theihngihl thaka a lawmna thila kan inhman zawh vek loh nân, i thil sawi chu kan vawng reng ang," an ti a, an tîn ta a.

Hmanpui: Ni 18.11.2024 zân khân KṚP, Mêlthum Branch-ah Mêlthum Kohhran Chanchinbu (Peniel) Silver Jubilee lawmna hmanpuiin CKṚP committee member-te – Tv. PC Lalthanmawia leh Pu Laldhawma Chhangtête an kal.

SYNOD HOSPITAL, DURTLÂNG THILPÊK DAWNTE (October 2024)

I. CHARITY FUND PETUTE

1. Pi Lalremi, Zêrabâwk North	4,000
2. Pu Zodinliana, Mission Vêng	2,000
3. Dr Lalmalsâwma Nghâka D-3 Business Enterprise	5,000
4. Rev. C. Sangliana & Family, Ṭhuampui	30,000
5. Pi P.C. Lalmuanpuii, Leitan	9,000
6. Pi Lalrampani Chawngthu Châltlâng Lily Vêng	10,000
7. Immanuel Lalpêkhlua Staff Nurse, Synod Hospital	3,500
8. Dr R. Rotluanga te nupa, Tanhril	4,000
9. Dr Rebecca Lalmuanpuii Ramhlun Vênglai	10,000
10. Lalchhandama Colney, Châltlâng Lily Vêng (Hnaa dah ngheh lawmna)	5,000
11. Upa Lalthansânga te chhûng Champhai Vêngthlang North	10,000
12. Upa Vânlallâwma & Rohmingthangi, Kulikâwn (Inneh champha wavi 66-na pualin)	1,00,500
13. Mamawitea, Chawihmun	1,000
14. F. Lalţanpuia, Champhai Vênglai	1,000
15. Khatla Pharmacy	2,000
16. Ṭanpuitu Hmeichhe Pâwl, UPC (Mizoram) LAD, Bazar Bial	20,000
17. Saitual Nazareth Kohhran Hmeichhia	3,000
18. Ṭhuampui Pastor Bial Kohhran Hmeichhia (Member awmna in tina ₹20/- aia tîm lo an khawn tling khâwm)	50,620
19. Lungdai Hmâr Vêng Kohhran	1,000
20. Lungdai Kohhran	10,000

Aluminium Mistiri Training: Social Front leh Laura Aluminium Extrusions ṭang kawpin ni 23.9.2024 aṭanga an buatsaih ṭan, Aluminium Mistiri Training chu ni 18.10.2024 zân dâr 7 khân Pi Zaii Hall, Synod Conference Centre-ah khâr a ni. He training-ah hian mi 24-in an zir chhuak a ni.

Seminar leh Training: Ni 24.10.2024 khân LIKBK, Lawngtlai College Vêngah Zai Hruai Training pein Pu H. Lalrinmawia leh Tv. Lalawmpuia Tlaute an kal. Ni 20–22.11.2024 khân Tuidam Bialah Worship Seminar hmanpuiin Rev. F. Lalhmingthanga leh Rev. T.C. Lalţanzova-te an kal. Ni 23.11.2024 khân Dâwruip Vêngthar Kohhranah Zai Hruai Training pein Pu H. Lalrinmawia leh Tv. Samuel Vânlalhruai-tluanga-te an kal a; Thênzâwl Bial KṚP Music Training pein Pu Benjamin Sailo leh Tv. Vânrarnghâka-te an kal baw.

21. Lungdai Hmâr Vêng Kohhran	3,000
22. Sâwleng Kohhran	10,000
23. Pângbâlkâwn Pastor Bial	9,310
24. Vairêngtê Chhim Vêng Pastor Bial	37,700
Belh khâwm	3,41,630

II. THISEN PETUTE

	Unit zât
1. KṚP, Ramhlun Vênglai Branch	50
2. KṚP, Chanmari West Branch	40
3. KṚP, College Vêng Branch	35
Belh khâwm	125

III. THIL DANG PETUTE

- Hming thup – Palliative Care tân ₹20,000
- KṚP, Durtlâng Pastor Bial – Hospital compound tifaiin member 70 an rawn hnatlâng.
- Bethlehem Vêngthlang Kohhran Ramthar Committee – Nursing College Multipurpose Hall-a hman tûr khuangtê leh a vuakna.
- Luangmual Kohhran – Physiotherapy tihchangtlun nân ₹50,000/-
- Duhawmi Palian, Hunthar Vêng – Damlo hman tûr puitling diaper 180.

LAWM THU SAWINA: Hospital tâna thil chi hrang hrang petute chungah Pathian hmingin lâwm thu kan sawi a. A lêt tam takin Pathian malsâwmna lo dawng zêl ang che u. Thil pe duh tân Director (94361 54365) leh Nursing Superintendent (94361 52751)-te hnênah eng tik lai pawhin inhriatîr theih a ni e.

Rev. R. Lalvulluaia
Chaplain Sr, Synod Hospital, Durtlâng

Sunday School zirfirtu training: Ni 23.11.2024 khân Hortoki Pastor Bialah Sunday School Zirfirtu training pein trainer-te – Upa K. Zoremsânga leh Upa Lalsiammawia Pachuaute an kal.

Lay Leaders Training: SMTC chuan ni 18–22.11.2024 chhûng khân Lay Leaders Training wavi 229-na a buatsaih a; Presbytery paruk – Aizâwl Bethel, Aizâwl Hmârchhak, Khawthlang, Teirei, Tuivawlrâl leh Tuipuirâl aṭangin Kohhran Upa 36 an tel.

Qtrs leh ram en: Ni 18.11.2024 khân Kolasib-ah Pastor Quarters chei ṭat tûr en felin Pu Lalramênga Royte, JE leh Tv. V. Lalhlimpaia, JE-te an kal a. Ni 19–22.11.2024 khân Champhai Vêngthlanga Synod ram en felin Upa Thangliankhûma, AE a kal baw.



BIAK IN HAWN SAWMNA

1. **Sailutâr Kohhran** (Dârlâwn Vênglhun Pastor Bial) chuan ni 13.12.2024 (Zirtâwpni) hian biak in thar hawn an tum a. Bialtu Pastor leh Pro. Pastor-a lo awm tawhte leh Tengtawng/Sailutâr Kohhrana lo lawi tawh zawng zawng leh biak in sakpuitu zawng zawng he hun hmanpui theuh tûr hian an sâwm a ni.

2. **Hmâwngbu Kohhran** chuan ni 20.12.2024 (Zirtâwpni) hian biak in thar hawn an tum a. Hetah hian Hmâwngbu Kohhrana lo lawi tawh zawng zawng, Bialtu Pastor leh Pro. Pastor-a awm tawh zawng zawng tel ngei tûrin an sâwm a ni.

3. **N. Sêrzâwl Kohhran** (Dârlâwn Vênglhun Pastor Bial) chuan ni 7.1.2025 (Thawhlehi) hian biak in hawn an tum a. He hun hmanpui tûr hian an Biala Pastor leh Pro. Pastor lo awm tawhte leh an kohhrana lo lawi tawh zawng zawng an sâwm a ni.

SEC 308-NA LEH 309-NA THU

November ni 12–14, 2024 chhûng khân JM Lloyd Hall, Synod Office-ah Synod Executive Committee (SEC) vawi 308-na a thû a; ni 27–29.11.2024 khân a hmun ngaiah SEC vawi 309-na a thû baw. Hêngah hian thu pawimawh tak tak rêl a ni.

PRISON MINISTRY RAWNGBAWLNA

Ni 26.10.2024 khân Champhai Kahrawt Kohhran Hall-ah jail-a thuhriil dân tûr leh inkhâwm hruai dân tûr tih thupui hmangin seminar buatsaih a ni a. He hunah hian Bial pathum – Bethel, Kahrawt leh Vêngsâng Bial chhûng aţangin mi 300 vêl an kal. Inrinni zân leh Pathianni zânah Prison Ministry Awareness Campaign hman nghâl a ni a. Chawhni nilêngin District Jail, Champhaiah hun hman a ni baw.

MIZORAM CHRISTIAN COLLEGE

♦ **Environment, off campus leh seminar**
Ni 21.10.2024 khân Devotion hunah 'Environment' tih thupui hmangin hun an hmang a. Ni 22.10.2024 khân Mizo Department-in Off Campus 'Mizo Thlawhhma Fan' hun an hmang a. Ni 22.10.2024 zân khân AMC huaihawt 'Bawlhhlawh thliar hran chungchânga inzirtîrna campaign', Mission Vêngthlangah sâwm an nih angin MCC-a thawk mi pahni an tel baw.

HOSPITAL CENTENARY LUNG PHUM

Ni 29.10.2024 chawhnu dâr 1 khân Rev. R. Vânlalngâka, Synod Moderator-in Synod Hospital Centenary Building Lungphûm a phûm. Synod Hospital hian kum 2028-ah kum 100 a tling dâwn a, chumi denchhena building sak hi kum 2022 Synod-in a rêl a ni. Centenary Building hi chhâwng thum a ni ang a; L.T. Construction, Ramhlun Vênglaiin a sa ang. Thla 30 chhûnga sak zawh tûra ruahman a ni.

PRESBYTERIAN HINDI BIBLE SCHOOL

Bâwngkâwn, Aizâwl-796014. Principal Ph.No. 8974236236. email: hindibibleschool@gmail.com

ADMISSION NOTICE

Presbyterian Hindi Bible School, Bâwngkâwn, Aizâwlah Certificate in Theology (C.Th.) zir duhte tân dîl theih a ni leh ta e. Dîlna chu plain paper-a ziakin Principal, Presbyterian Hindi Bible School hnênah ni 9.1.2025 thleng theh luh theih a ni.

Hriat tûrte

1. Dîltu chu Class VII pass chin, Hindi tawng leh ziak leh chhiar thiam a ni ngei tûr a ni.
2. Kohhran dânzawhkim a ni tûr a ni.
3. Kohhran/Fellowship hriatpuina lehkhâ thil tel tûr a ni.
4. Dîltu chu natna benvawn nei a ni tûr a ni lo.
5. Dîltu chu ruihhlo laka fihlîm a ni tûr a ni.

Zir tûrte chuan hêngte hi intum tûr a ni

1. Mutbu (Mattress a ngai lo vang).
2. Exercice bu 10, pen leh tûl dangte.
3. Bucket leh no
4. Nihliap
5. Passport size photo (1 no)
6. Formal dress with shoes (Inkhâwm thawmhaw)
7. Hindi Holy Bible, Stuti Geet leh Sangati S.S. zirlaibu

Zir hun chhûng : Ni 10.1.2025–13.6.2025

Interview hun : Ni 10.1.2025 (Zirtâwpni), 10:00 a.m.

A hmun : Principal's Office, Presbyterian Hindi Bible School, Bâwngkâwn.

(REV. R. LALRINSANGA)
Principal

HRIATTIRNA

Missionary Training College (MTC), Mission Vêngthlangah Bachelor of Missiology (B.Miss.) zir duh tân dîl theih a ni leh ta. Dîlna form leh Prospectus hi ₹50/-in office hun chhûngin MTC Office-ah lâk chhuah theih a ni a, dîlna form hi MTC website <https://www.mtc.edu.in>-ah download theih a ni baw.

Dîl thei chin : Class–XII pass chin.

Dîlna theh luh hun hnunnung : Ni 14.2.2025 (Zirtâwpni)

Entrance Test : Ni 18.3.2025 (Thawhlehi) 9:30 a.m. @MTC

Interview : Ni 20.3.2025 (Ningani) 10:30 a.m.

@Committee Room–I, Synod Office, Mission Vêng.

Rev. Dr C. Lalramchhana

Principal, MTC

Ph Nos. : 0389-2328525, 9612164982